



Na osnovu člana 8. Zakona o ministarskim, vladinim i drugim imenovanjima Federacije Bosne i Hercegovine ("Službene novine Federacije BiH", broj: 12/03, 34/03 i 65/13) i člana 5. Odluke o standardima, kriterijima, postupku izbora i konačnog imenovanja na upražnjene pozicije predsjednika i članova upravnih i nadzornih odbora u reguliranim organima Općine Donji Vakuf ("Službeni glasnik Općine Donji Vakuf", broj: 2/26), Općinsko vijeće Donji Vakuf objavljuje

JAVNI OGLAS

za izbor i imenovanje članova upravnih odbora javnih ustanova kojima je osnivač Općina Donji Vakuf

I

Objavljuje se javni oglas za izbor i imenovanje članova upravnih odbora javnih ustanova i to:

- 1. Upravni odbor Javne ustanove "Dom zdravlja" Donji Vakuf**
 - predstavnik osnivača – jedan član
 - predstavnik stručnih radnika ustanove – jedan član
- 2. Upravni odbor Javne ustanove "Apoteka" Donji Vakuf**
 - predstavnik osnivača – jedan član
 - predstavnik stručnih radnika ustanove – jedan član
- 3. Upravni odbor Javne ustanove "Centar za socijalni rad" Donji Vakuf**
 - predstavnik osnivača – dva člana
 - predstavnik stručnih radnika ustanove – dva člana
- 4. Upravni odbor Javne ustanove "Dječiji vrtić" Donji Vakuf**
 - predstavnik osnivača – dva člana
 - predstavnik stručnih radnika ustanove – jedan član
- 5. Upravni odbor Javne ustanove "Dom kulture" Donji Vakuf**
 - predstavnik osnivača – dva člana
 - predstavnik stručnih radnika ustanove – jedan član

II

Opis pozicije

Upravni odbor je organ upravljanja ustanovom i obavlja sljedeće poslove: donosi statut ustanove; imenuje i razrješava direktora; utvrđuje planove rada i razvoja i godišnje planove; donosi finansijski plan i usvaja godišnji izvještaj; donosi opšte akte u skladu sa zakonom i statutom ustanove; odlučuje o svim pitanjima obavljanja djelatnosti radi kojih je ustanova osnovana; usmjerava kontrolni i ocjenjuje rad direktora, rješava sva pitanja odnosa sa osnivačem; odgovara osnivaču za rezultate rada ustanove; odlučuje o prigovoru radnika na rješenje kojim je drugi organ određen statutom ustanove odlučio o pravu, obavezi i odgovornosti radnika iz radnog odnosa; podnosi osnivaču najmanje jednom godišnje izvještaj o poslovanju ustanove; vrši i druge poslove u skladu sa zakonom i statutom ustanove.

Članovi upravnog odbora imenuju se na period od 4 (četiri) godine uz mogućnost ponovnog imenovanja, u skladu sa Zakonom.

Naknada za rad u upravnim odborima utvrđena je posebnom odlukom Općinskog vijeća, u skladu sa Zakonom.

III

Uslovi za imenovanje

Svi kandidati za pozicije u upravnim odborima moraju ispunjavati opće i posebne uslove kako slijedi:

a) opći uslovi

- 1) da je državljanin Bosne i Hercegovine
- 2) da je stariji od 18 godina
- 3) da nije otpušten iz državne službe kao rezultat disciplinske mjere (bilo na nivou države ili entiteta) u periodu od tri godine prije dana objavljivanja upražnjene pozicije
- 4) da se na njih ne odnosi član IX.1. Ustava Bosne i Hercegovine
- 5) da nije na funkciji u političkoj stranci u smislu člana 5. Zakona o ministarskim, vladinim i drugim imenovanjima Federacije BiH
- 6) da nije član organa zakonodavne, izvršne ili sudske vlasti ili savjetnik u smislu Zakona o sukobu interesa u organima vlasti u Federaciji Bosne i Hercegovine („Službene novine Federacije Bosne i Hercegovine“, broj: 70/08),
- 7) da nema privatni i / ili finansijski interes u reguliranom organu u koji se kandiduje,
- 8) da nije osuđivan za krivično djelo nespojivo sa imenovanjem na dužnost u reguliranom organu u koji se kandiduje, pet godina od dana pravosnažnosti presude, isključujući vrijeme zatvorske kazne,
- 9) da mu nije izrečena zaštitna mjera zabrane obavljanja aktivnosti i tri godine nakon isteka vremenskog perioda trajanja izrečene zaštitne mjere.

Dokaze pod tačkom 8) i 9) općih uslova dostavljaju samo kandidati koji budu predloženi za konačna imenovanja.

b) posebni uslovi

- 1) VSS ili VŠS sa jednom godinom radnog iskustva, odnosno visoko obrazovanje prvog ciklusa (koje se vrednuje s 180 ECTS bodova), drugog ili trećeg ciklusa Bolonjskog sistema studiranja, a SSS izuzetno samo iz reda zaposlenih i ostalih ukoliko ne bude kandidata sa visokom ili višom stručnom spremom
- 2) Da nije član više od jednog upravnog ili nadzornog odbora
- 3) Sposobnost za savjesno, odgovorno i odlučno obavljanje upražnjene pozicije
- 4) Sposobnost nepristrasnog donošenja odluka
- 5) Stručno znanje iz oblasti rada i organizacije privrednih društva i/ili institucije
- 6) Komunikacijske i organizacijske sposobnosti
- 7) Sposobnost tumačenja ekonomskih, tehnoloških i pravnih propisa iz nadležnosti ustanove/preduzeća u koji se vrši imenovanje
- 8) Sposobnost upravljanja finansijskim i ljudskim resursima
- 9) Rezultati ostvareni tokom poslovne karijere relevantni za obavljanje dužnosti upražnjene pozicije.

IV

Potrebna dokumenta

Pismena prijava sa kraćom biografijom kandidata treba da sadrži adresu stana, kontakt telefon, te dokaze koji se prilažu uz prijavu, u originalu ili ovjerenoj kopiji, i to:

- uvjerenje o državljanstvu,
- izvod iz matične knjige rođenih,
- dokaz o stručnoj spremi,
- dokaz o radnom iskustvu,
- ovjerene izjave kandidata o činjenicama nabrojanim u tačkama 3. do 7. općih uslova i tački 2. posebnih uslova

V

Ostale napomene

Kandidati koji budu stavljeni na listu za uži izbor bit će pozvani na intervju. Nakon obavljenog intervjua Komisija za izbor će pisanom preporukom predložiti rang-listu s najboljim kandidatima.

Konačno imenovanje vrši Općinsko vijeće Donji Vakuf.

U slučaju kada postoje dokazi da principi utvrđeni u članu 3. Zakonom o ministarskim, vladinim i drugim imenovanjima Federacije BiH, ili postupci nisu ispoštovani, zainteresirana stranka može podnijeti prigovor na konačno imenovanje. Prigovor se podnosi Općinskom vijeću, a kopija se dostavlja Ombudsmenu za ljudska prava Bosne i Hercegovine.

Rok za podnošenje prijava je 15 dana, a računa se od datuma zadnje objave oglasa u "Službenim novinama Federacije BiH", odnosno dnevnom listu "Oslobođenje".

Prijave s dokumentacijom mogu se dostaviti u zatvorenoj kovrti na pisarnicu općine ili preporučeno poštom na adresu:

Općina Donji Vakuf
ul. 14. septembar br. 22.

sa naznakom "Prijava na javni oglas za Upravni odbor Javne ustanove (navesti koje) - ne otvarati".

Neblagovremene i nepotpune prijave neće se uzimati u razmatranje.

Broj: 01-04-01377/26-1

Donji Vakuf, 13.05.2026.godine



Predsjedavajući općinskog vijeća
Muhamed Hodžić, s.r.